

安順府志卷之十九

知安順府事長白常恩纂

營建志二

郎岱

歸化

鎮甯

永甯

郎岱廳

城

官署

壇廟

學校

書院

公所

坊表

城

郎岱城。乾隆二十四年建。周三里五分有奇。高一丈三尺。長六百三十丈六尺。甃以石門四。東曰近日。西曰迎爽。南曰來薰。北曰承恩。門樓四。礮臺四。

官署

廳署。在城內西街。雍正九年建。道光十年。同知徐鉉重修。

安順府志

卷之十九

郎岱城

一

學正署。在城內書院小街。道光八年。廳人士公建。

巡檢署。在城北八十里大巖脚。

永安協署。永安協原為永安營都司。通志云。永安營都司

署。在安順府城西一百七十七里那當。舊為永甯州盤江

營。雍正八年。改永安營。移駐今地。新建黔南識畧云。城中

原駐永安營都司一員。因嘉慶二年。平定興義苗匪。移黔

西協駐於永安。乃改營為協。按今署在城內東大街。嘉慶

三年。設十八年修。

協標左營都司署。在城內北門橋。嘉慶十八年修。

協標右營守備署。在城內後街。嘉慶十八年修。



分防六枝汛把總署。在城北六十里六枝。  
分防巖脚汛把總署。在城北八十里大巖脚。  
分防落別汛把總署。在城東七十里落別。

壇廟

附宮

閣

樓

祠

塔

社稷壇。在城東門外。制南向。高二尺一寸。縱廣二丈五尺。  
風雲雷雨山川壇。制與社稷壇同。

先農壇。制與前二壇同。壇後神廟正房三間。中供神牌。周  
以紅牆。門由北入。道光二十四年。同知徐鉉捐建。

厲壇。在城北驛馬坡。

文廟崇聖等祠。在城內西大街宗岱峯下。詳學校

安順府志

卷之九

即崇聖官署壇廟

二

武廟。在城東門內。乾隆四十一年建。道光十四年。署同知

鹿丕宗募捐重建。

炎帝廟。在武廟內。

城隍廟。在城內。乾隆初年建。五十八年。改基重建。

馬王廟。在武廟前。道光十四年重建。

天齊廟。在城東里許東山頂上。道光十六年。署同知鹿丕

宗重建。道光二十年。同知徐鉉續修。

黑神廟。在城西門外。嘉慶五年。廳人公建。道光十四年。補

修。又財神廟在北門外  
場上二十八年新建

牛王廟。在城西二里大營坡上。

文昌宮。在城南門外。乾隆二年建。道光二十年。同知徐鉉



募捐重修。又文昌閣一在大巖脚一在六枝。

萬壽宮在城北門內。乾隆三十年。江西客民公建。道光二

十九年重修。一在城西門外嘉慶三年。江西客民建一在六枝一在大巖脚。

三楚宮在城西門外。乾隆五十八年。兩湖客民建。一在大巖脚。

保赤宮在城內太平街。乾隆五十八年建。

玉皇閣在觀音閣內。

觀音閣在城西門外。雍正間建。道光十年庵尼募資重修。

魁星樓在文昌宮右。道光二十年重修。

龍神祠在城北門內。道光廿五年同知徐鉉捐建。

昭忠祠在城北門內。道光二十四年同知徐鉉捐建。

安順府志

卷之九

即岱壇廟學校

三

文峯塔在郎岱城南里許。

學校

廳學在城內。道光七年張懋德等新建。右崇聖祠。中大成

殿。東西兩廡。中大成門兩旁戟門。齊宿所。樞星門。泮池。紅

牆。禮門。義路。下馬碑。明倫堂。又名宦祠。鄉賢祠。均在學宮

右牆外。餘詳建學疏。

書院

附義學

岱山書院在聖宮左。道光八年。廳人士捐建。頭門。二門。講

堂。山斗堂。山長住房。左右齋房。左下有盪胸軒。竹影松聲

山館。山長何思誠有記。



義學有二。一在關帝廟。道光三年永安協副將富森泰設。一在廳署左。道光二十八年署同知陳毓書捐修。

公所

倉在廳署左。共十六所。貯穀詳積貯。道光二十年同知徐鉉重修。又在六枝。

監獄在廳署右。道光二十八年署同知陳毓書重修。

演武廳在城東門外。嘉慶四年開教場修。

接官亭在城東門外。道光二十年同知徐鉉重修。

義倉在廳城內。道光四年設計六間。穀石詳積貯。

養濟院在城西門外。住屋三間。

安順府志

卷之九

即借公所坊表

四

坊表

江洪氏節坊 朱劉氏節坊 劉石氏節坊 俱在東門外

鄧王氏節坊 王氏節坊 俱在西門外 胡德菴采呈

陳龍氏壽坊 在毛口 米江氏壽坊 在西門外 朱學賢壽坊 在城內

歸化廳 城 官署 壇廟 書院 公所 坊表

城

通志云歸化城。雍正八年題建石城。周六百丈。高一丈。厚四尺。黔南識畧曰。歸化城。周三里七分有奇。計五百二十五丈。甃以石。乾隆十三年建。按廳城門四。上建櫓樓。東曰迎暉。南曰迎薰。西曰靖邊。北曰拱宸。通判宋龍圖。歸化營。



遊擊余雄守備程鵬把總張連科監修道光元年通判鄒賢曹補修

宗地汎城在城東南六十三里一作六十里門三土城

擺頂汎城在城東南九十三里一作一百二十里又名大

營雍正八年提督楊天縱建甃以石門三按通志所載歸化城即此

官署

廳署在城內東南雍正十年設建共六十一間道光元年

通判鄒賢曹補修二十八年通判吳廣生重修大堂三間

西花廳三間

歸化營遊擊署通志云在城南一百二十里擺頂雍正九

安順府志

卷之九

歸化城官署

五

年建按乾隆六年請詳移營避瘴移建在廳城內廳署前

分防宗地汎守備署通志云在城東南五十里龍場雍正

九年設按今宗地汎距龍場二十里

分防宗地汎把總署在宗地

分防克坐汎把總署在城南七十里克坐一作百里

分防擺頂汎千總署在擺頂

分防擺羅汎千總署在城東南一百二十里擺羅

分防克孟汎把總署在城東六十里克孟

分防牛場汎外委署在城西南六十里白牛坨

分防鼠場汎外委署在城東南一百二十里鼠場



安順營分防白老虎汛把總署。在府城南九十里。距廳城五十五里。

壇廟 附宮 閣 塔

文廟

未建。按梅花書院設有至聖牌位。春秋丁日即於此致祭。

武廟。在城內。乾隆二十六年建。一在板當。嘉慶間修。

城隍廟。在城內。乾隆十五年建。

龍神廟。在城內。道光元年建。

火神廟。在武廟左。乾隆二十六年建。

馬王廟。在武廟右。乾隆二十六年建。

五顯廟。在城內南。道光二年重修。

安順府志

卷之九

歸化壇廟書院

六

元壇廟。在西城外蛇場壩中。道光二十三年創修。

文昌宮。在城東門外。道光十四年建。又文昌閣。貓營兔場。楓香塘皆有。

萬壽宮。在城內北。乾隆甲辰年創修。

玉皇閣。在壩陽。明萬曆五年建。

松山石塔。在城南松山。東門外石塔。在城東門外。

書院 附義學

梅花書院。在城內東門。共三十六間。道光十八年。通判譚

煒創建。通判金台落成。

義學。在書院右。道光十八年。通判譚煒創建。通判金台落

成之。按通志有擺頂義學。威遠汛義學。俱雍正八年設。存考。



公所

倉在廳署左。計四十三間。嘉慶十三年。通判王湛恩補修。道光二十九年。通判吳廣生添修二間。穀石詳積貯。宗地擺頂二汎。建倉廩五間。穀石詳積貯。監獄在廳署右。男獄三間。女獄二間。雍正八年建。道光十三年。通判何鋌添建獄神堂一間。兵役卡房一間。養濟院在城北門外。道光七年。通判鄒賢曹建。

坊表

曾郭氏節孝坊。在城內東大街。嘉慶十二年建。

鎮甯州 城 官署 壇廟 學校 書院 公所 坊表

安順府志

卷之九

歸化公所坊表

七

城

通志曰。鎮甯州城。舊安莊衛城。明洪武二十五年。指揮陸秉建。周四百八十丈。門四。東曰朝陽。西曰鎮夷。南曰永清。北曰迎恩。嘉靖十二年。改遷州治於此。康熙十一年。裁衛併州。因為州城。乾隆三十年。知州鄔紹文。請帑重建。廣大其規。周五里八分有奇。月城水關共長千一百三十四丈。自捐白金萬兩助之。越二年。告竣。城皆甃以白石。晶潔如銀。故俗有銀鎮甯之目。術家謂自東坡山五星出脉。至營盤山。分右脉生青龍山。連九峯為右護。左脉生玉京山。轉折西南。生白虎山。連絡數坡。城建其上。前朝環翠山。後枕



寶塔山。左旗槍。右誥軸。龍洞水流爲川。城河如玉。帶然道。光三十年。署知州石均。因年久傾頹。七十餘丈。四門朽壞。不堪。率同紳耆捐廉修補。

官署

知州署。在州城內南大街。明嘉靖間。知州張邦洙建。後毀於兵。康熙五年。知州卞廷槐重建。

學正署。舊無。道光十八年。知州韓淳。將入官民房。改建。今在州城內西南水塘街。

訓導署。舊無。乾隆間。始建於學宮右。明倫堂後。

吏目署。舊無。乾隆間。知州閻改衛城隍廟爲署。在州城內。

安順府志

卷之九

鎮甯城官署

八

西大街

平遠協分駐安莊汛千總署。在州城內鐘鼓樓大街。分防安莊汛外委署。亦在州城內鐘鼓樓大街。

壇廟

附宮 樓 祠 閣 寺 觀 塔

社稷壇。在城西門外。道光二十六年。知州周溶重修。

風雲雷雨山川壇。在城南門外。知州周溶重修。

先農壇。在城北門外。有農田庄租。厲壇。在城北門外。

文廟。崇聖等祠。在城內州署東北。詳學校。

武廟。在城南。乾隆十九年。閤城紳耆建。日久傾圮。嘉慶十

九年。閤城紳耆復行捐修。並建三公殿。



城隍廟。在州署左。

龍王廟。在城內北街。起鳳橋。三眼井旁。道光二十五年。知州周溶捐廉。率紳士孫玉峯等募捐新建。

黑神廟。久圯。今新置基址於東門大街內。有鄔公祠。

東嶽廟。在城內西隅。乾隆三十五年建。

華光廟。在城內北街。乾隆間建。正月初八日。迎神出遊。名曰赦火。

川主廟。在城內西門大街。

真武廟。在城北門外環翠山上。康熙間建。

龍洞山廟。在蒙楚枝龍洞山上。

文昌宮。在城中鐘鼓樓左。嘉慶七年。知州趙雷生蘇文紀

安順府志

卷之九

鎮甯壇廟學校

九

率城內紳士廖昌隆等募捐新建。

萬壽宮。在城內北大街。天后宮。在城內北大街。

三楚宮。在城內北大街。

魁星樓。下為接引寺。在西門外。嘉慶二十三年。知州穆克

登。率紳士張景泰等捐修。奎文閣。又名鐘鼓樓。在城內

大十字街上。節孝祠。在城北門外。屋宇傾圯。基址尚存。

斗母閣。在城內東南隅。飛雲閣。在螺山。

列峯寺。在城北。明時建。清涼洞寺。永歷間僧海巒建。

海子山寺。在中九枝海子中。朝陽寺。在中九枝朝陽洞

九峯山寺。在補納枝九峯山上。



金鳴寺。在十二營司。明萬曆六年土司隴時康建。

寺內有義學二

中黃山寺。在西屯枝中黃山。

中華山寺。在木岡枝中華山。羅金寺在木岡枝。

香山寺。在中九枝鎮香山。

玉皇閣。在城南門外玉京山頂。順治間建。道光十五年重

修。二十年又建扶風閣。

青龍山石塔。在東門外青龍山上。

陶家山石塔。在蒙楚枝侵雲坡陶家山上。

### 學校

州學舊為安莊衛學。明正統八年建。後圯。康熙六年知州

### 安順府志

#### 卷之九

鎮甯學校書院

十

卞廷槐重建。雍正十一年知州劉世恩建崇聖祠。道光十

八年知州韓淳捐廉率紳士孫玉峯等募捐重修先師殿。

崇聖祠東西廡大成門名宦祠鄉賢祠二十二年重修泮

池。圍橋及周圍欄杆地墁規制始備。

### 書院 附義學

雙明書院。在文廟左。膏火田租穀一百一十六石。康熙三

十年建。年久傾圯。道光二十三年知州嚴耿汪自修。捐廉

率同紳士孫玉峯等捐修重增膏火穀三十石。

義學。通志云。在城內東北。康熙三十年建。按年久傾圯。道

光二十六年知府朱德璣撥金鳴寺租穀三十石。設義學。



二於寺內。每歲延師訓讀。

公所

倉在州署內西。凡十一座。共五十六間。  
監獄在州署旁。前後各三間。獄神廟二間。  
安莊驛在州署左。

坊表

李發秀聘室楊氏貞烈坊。道光六年建。許乃普學政賜序捐廉泮州生等董其事

宋流芳妻黃氏節孝坊。宋調梅妻張氏節孝坊。

白映泗妻劉氏節孝坊。

永甯州 城 官署 壇廟 學校 書院 公所 坊表

安順府志

卷之九

鎮甯公所坊表

十一

城

方輿紀要曰。查城驛在永甯州北八十里。與安莊安南二  
衛接界。一統志曰。永甯州城周半里。門二。明洪武中建。康  
熙十二年。知州林華皖增築。周一百八十五丈。高一丈四  
尺。昔人稱州城為楂城。以城內之頂箐山多楂樹故也。州  
志云。按洪武時。州治在打罕。今州治當未建城。然考查城  
站。查城驛。設自洪武時。則是洪武時已有查城之名。今州  
城之創建。應如一統志所云。洪武中建。考通志。明閃繼迪  
碑記。叅政朱家民創建十一城。天啓六年。肇工。崇禎四年  
城成。內有頂站。建鼎新城。據此。則查城當為朱家民創建。



二說存參。城前朝楊家山。特特聳秀來拱。後屏廻龍山。折轉回抱。營盤坡爲右弼。西關坡爲左輔。西南有獅子山。其老幹抽一小枝。頓跌轉北而下。起小突山槽中。如毬飄帶形。是爲頂箐山。城卽建於其上。故城內僅容街一道。自本州上下兩衙監倉而外。居民未滿三十戶。其餘烟戶將五百。並營汎各廟。俱於城外錯處。東北西三面。橫巨大街一道。爲赴滇所必經。

頂營司土官城。在州東北四十五里。

關嶺汎城。在州東舊所城也。今多塌。互詳古蹟。

募役汎城。在州東南八十里。舊土司城也。今塌。互詳古蹟。

### 安順府志

#### 卷之九 永甯城官署

十二

#### 官署

州署。通志云。在州城內。舊在安南衛。明嘉靖間。知州段絲錦建。後毀於兵。順治十六年。移州治於查城驛。知州王燧建。康熙四年。知州易言翼增修。州志云。乾隆二十年。內外署火。知州李復泌補修。頭門儀門書辦房。三十年。知州蔣日烜補修。上房廂房花廳捲棚。三十八年。署知州任鎮及以州舊無大堂。移花廳捲棚爲大堂。移書辦房。葺儀門。增差房。三十九年。署知州蕭梅年。葺上房。四十五年。知州范櫛借廉修理。上房左右廂房。二堂右廂房。西花廳書房。對廳。大堂。書辦房。班房。儀門。共四十六間。右爲土地祠。右監



獄六間。有高石圍牆。門外差房一間。頭門三間。轅門三架。甬壁一座。

訓導署原在舊學宮東。後燬。乾隆三十一年。訓導楊芳舒借寓忠義祠。排修正房二間。左右廂房四間。門樓一座。嘉慶二年。興義苗變。被燬。道光九年。訓導陳一亨與紳士議建學署於學宮右側。正房五間。外廳五間。爲明倫堂。十六年。訓導楊燮復於正房之右。建廂房二間。

吏目署在城西門內。原皆草房。乾隆三十六年。大堂頭門火。吏目王日辛修。三十九年。吏目柯茂請帑修上房廂房二堂書房過廳。大堂頭門西園小亭。共二十三間。知州任

安順府志

卷之九

永甯官署壇廟

十三

鎮及題曰勉亭。今燬。後任吏目顧錦堂陶文量重修。

募役司巡檢署在募役司大街。上房廂房二堂旁屋宅門大堂頭門科房共二十九間。嘉慶二年。設立流官新建道光五年。請項修葺。

永安協分防永甯汛守備署在州城西門外。上房左右廂房虎坐門大堂右書房右軍裝局書辦房頭門共二十二間。照壁一座。周圍土石墻垣。

分防永甯汛把總署在州城西門外。共十五間。兵房八十八間。

關嶺汛千總署在關嶺後街舊所城內。共十五間。卡房三



間。兵房四十七間。

分防募役汛千總署。在募役司後街共十五間。

分防上掛汛把總署。在上掛十五間。

分防坡貢汛把總署。在坡貢共十五間。兵房十三間。

分防盤江汛千總署。在盤江橋西五里嶺上共十五間。卡

房三間。兵房十五間。以上各汛兵房衙署俱於道光五年知州胡惠英請帑新修

壇廟 附閣 祠 寺 觀 亭 塔

社稷壇。在城外西街側。雍正十一年。知州陳嘉會修。乾隆

三十五年。署知州任鎮及重修。按壇制北向東南西北各二丈高三尺四寸出陛各

三級壇下制十二丈東西西南各五丈繚之以垣四門紅油

由北門入壇外建神厨庫房宰牲房帛坎案今有壇墳餘

### 安順府志

卷之九 永甯官署壇廟

十四

未如制石主神牌制案石主長二尺五寸方一尺埋於壇上正中迎南距壇邊二尺五寸止露圓尖餘埋土中神牌一以木為之。殊漆青字高二尺二寸濶四寸五分厚九分座高四寸五分濶八寸五分厚四寸五分臨祭設壇上祭畢藏之神庫

風雲雷雨山川城隍壇。在城北沙子壩。雍正十一年。知州

陳嘉會修。乾隆三十五年。署知州任鎮及重修。

先農壇。在城外東水關上。雍正十一年。知州陳嘉會修。乾

隆三十五年。署知州任鎮及重修。按壇高二尺一寸深廣

殿三間東西房各二間門樓一座繚以垣墻廟門皆西向

神壇木牌高二尺四寸濶六寸座高五寸濶七寸五分紅地金字臨祭迎設壇上祭畢仍捧安神廟

厲壇。在城外較場。祭時迎設城隍神位於壇上。用紙書無



祀鬼神等眾字樣牌位。列於壇下兩旁。

文廟在東門外大街。道光十六年重修。詳學校。名宦祠在學宮內。向未設祭主。今遵通志設張融葉泰陳佐段絲錦吳敦本。遵一統志設曾異撰牌位。鄉賢祠在學宮內。未設祭主。今遵通志設韓鈺牌位。

武廟在城外東街頂站場東。康熙二十九年。知州朱細修。乾隆二十年正月火。二十一年九月。知州李復泌重修。二十五年。知州王粵麟補修。左右廂房及大門樓。嘉慶二年。圮。七年。知州蔣元熾重修。又在募役司

城隍廟元明建在打罕。今在城外西街。康熙三十五年。知

安順府志 卷之九 永甯 壇廟 十五

州劉鴻誥修。三十六年。圮。知州雷有成重修。乾隆六年。圮。知州陳嘉會重修。道光六年。圮。州士民募修。一在募役司大街一在關

嶺城內後街一在頂營司城內一在沙營司場口

龍王廟在城東里許杉木洞。不知建自何時。嘉慶二十五年。把總陳陞監修。道光四年。知州胡惠英。署知州許華銑。署吏目趙成彥。捐建涼亭一座。後圮。道光十五年。知州黃培杰捐廉重修。

火神廟在東門外武廟旁。乾隆十九年。知州李復泌修。二十五年。知州郎昌齡重修。三十八年。署知州申贊皇修。四十年十一月。正殿燬。署知州善長泰重修。嘉慶元年。燬。七



年本城士民捐修

南嶽廟。在募役司境內。

關將軍廟。一名順忠廟。在關嶺。祀漢將軍關索。

許真君廟。在城中大街。

文昌閣。在東門外。乾隆四十二年建。嘉慶十六年重修。改

閣為宮。後殿地基。係修姓捐出。一在募役司跨河而建。一在大水溝道光二十六年

紳士張寬義王大章等修又文昌宮在坡貢後街。

斗母閣。在關嶺。觀音閣。在城東二里。一名培風閣。

節孝祠。舊在西街。祀節婦孔傅氏楊王氏。後燬。道光十六

年。知州黃培杰勸捐重建於城外義學右。添設續請

安順府志

卷之九

永甯 壇廟

十六

旨旌表各節婦牌位。

忠孝祠。舊在學宮旁。後燬。道光十六年。知州黃培杰重建

於城外義學左。查沙營土司沙盡美隨征台拱陣亡。奉

恩賜葬祭。今設沙盡美牌位。並嘉慶二年苗變殉難之陸光聯。沈

化南。李華淳牌位於祠內。

崇報祠。在城東門外義學內。道光十六年建。

大佛寺。在募役司。壽佛寺。在城外上大街。

中和寺。在城東南迴龍哨。萬歷時建。今燬。

龍泉寺。在關嶺馬跑泉。有山居八景。曰松風掛月。西嶺斜

陽。林密春鳥。池沼松篁。天台聳翠。石洞來仙。山城古蹟。玉



峽飛湍。

石牛寺。在關嶺大街。門外有石牛故名。

無量寺。在關嶺。康熙三十五年。驛丞孫偉倡建。倣真定之無樑寺式。自下而上。架石拱洞。不需木樑。上蓋瓦。寬二丈八尺。供佛像三尊。以石爲之。一名望林寺。又名無樑寺。大願寺。在盤江橋右。明參政朱家民建。臨江有亭。曰望江亭。道光十五年。僧徹朗重修。

北極觀。在城西三十二里。明洪武時。西平侯沐英建。

望水亭。在城東北七十五里。臨白水河。祀呂純陽。嘉慶二年。苗變燬。道光八年。學政許乃普勸捐重修。

安順府志

卷之九

永甯

壇廟

十七

辛塔。在永甯州城東五里起鳳山上。

巽塔。在永甯州城東。

維風塔。在關嶺廻龍山上。

學校

州學。州志云。在州城門外。舊附安南縣學。康熙三十八年。巡撫王燕題設州學。捐俸三百四十兩。倡建學宮。知州雷有成。督同三司建。副榜吳君爵。度地卜基。得城之東北隅。亥山已向。雍正十年燬。知州陳嘉會。劉世恩。王遂。相繼倡修。州人周杞。周純。張涵。陳士域。董其事。乾隆元年工竣。二十六年。又燬。知州郎昌齡。改西向。四十年落成。謝庭薰有記。嘉慶二年。苗變毀於兵。學正羅大鵬。率紳士設至聖牌。



位於文昌閣春秋祭祀均詣閣行禮十六年紳士修武謨  
貢生羅運昌監生郭廷淑貢生王洪鎮等詣知州金溼勘  
定學宮舊址仍用亥巳原向道光十五年知州黃培杰捐  
廉率訓導楊燮巡檢萬家學主講書院候選教諭修武謨  
暨閩州紳耆等勸捐修建羅運昌捐銀一百兩修武謨郭  
廷淑王洪鎮等又以學田積年餘資並眾力捐助銀兩偕  
生員羅應貴耆民劉宗魁等建大成殿貢生羅宏德衛千  
總羅宏科等承修大成門崇聖祠原任衡水縣知縣陳宏  
爵捐修東廡鄉耆錢嵩年捐修西廡監生鄧祥麟捐修櫺  
星門生員張紹本捐修禮門義路龍天培張紹本等又自  
後山開溝引水注內泮池使兩水環抱以培風水而備不  
虞其捐資各紳耆姓名有碑記

安順府志

卷之九

永甯學校書院

六

學田籍州志云歲修經費田難得寨租穀十四石係貢  
生王洪鎮武舉王萬春閭族捐輸新寨莊年  
利銀十九兩係童生聶志乾捐輸附寨山一疋係安  
南縣貢生吳際泰同聶志乾捐輸八十石新寨田租  
十四石係黃平州學生員蘇家相捐輸又買黃姓丙  
壩大爐冲田一坵價銀三十兩收租穀二石五斗

書院 附義學

維風書院州志云雍正十年義學房燬知州陳嘉會修建  
州署西園集諸生躬訓課是年頂營司與阿三等控爭大  
龍潭土田知州陳判為義學莊額收租穀三十五石四斗  
四升八合以為膏火立有碑記乾隆七年書院燬以大龍



潭租穀借充公用。十六年鄧金魁與吳建控爭田畝。署知州楊士蔭判歸義學額收穀十石折銀三兩以爲膏火。三十五年署知州任鎮及判芭懷田一坊歸義學。三十八年署知州申贊皇議修義學於學宮內以復書院之舊。邑人周景旦捐資倡修。是年四月署知州申贊皇案撥大龍潭租穀復義學。牒儒學學正李肇基訓導謝庭薰管理。又五月署知州申贊皇案查芭懷田一坊牒儒學學正李肇基訓導謝廷薰管理。四十二年義學房燬。嘉慶二十三年貢生王洪鎮羅運昌修武謨生員張紹德監生鄧祥麟郭廷淑鄉耆修武謨等倡邀同學呈請知州李烜復建維風書院批准施行。遂擇基於文廟左側。乾山巽向。張有德首捐銀二百兩。修講堂三間。上房三間。道光元年知州劉嗣矩首捐銀五十兩。勸捐銀一千一百兩。增修學舍十間。內廂房四間。儀門三間。頭門一間。餘銀七百兩。添置學莊。又貢生修武謨彭上卿齋長龍天培等呈請撥廣順寺阿所寨廟莊歸入書院以資膏火。知州劉嗣矩批准申詳。並傳集盜當廟田各戶當堂給價銀三百餘兩。照抵當各契分別贖取。道光十六年知州黃培杰勸捐重修。

安順府志

卷之九

永甯 書院

十九

土田籍 永甯州志云阿所寨租穀五十九石五斗。年利銀十七兩一錢。高寨租穀一百二十八石。大窪哨田租穀十二石。大龍潭租穀京斗三十四石。八斗八升。尾巴田租穀市斗三石。水火夫錢三千二百



文 頂營哨租穀五十六石。文昌閣納亞寨原收租穀八石。年利銀十六兩。因該寨老佃私將田土抵當出外。經齋長修舉謨清出。安佃七十餘石。又因車姓手內當出之地。土齋長將公銀向李楊殷劉贖明安租。十二石。現在總共收田租八十一石。三斗四升。地租九十五石。一斗三升。年利銀十八兩零。按此莊係乾隆五十四年生員黃啟賢。聶萃文。羅運泰。耆民鄧玉瑞。將公銀三十兩。置地租四石。嘉慶十年。本城士民復捐銀買明全莊。以作廟業。向歸該廟經營。後因書院膏火薪水不敷。道光二年。將該寨租穀撥出添用。其本城義學修穀二十石。係此莊租穀支發。再此莊租穀除每年文昌閣焚獻歲修穀四十石外。如稍有餘積。議作將來補修並修理後殿之費。

義學州志云。在西門外。康熙十四年。巡撫于準題請設立。知州劉鴻誥。雷有成。甘國垓。相繼修義學房於學宮甬壁外。魚塘坎上。雍正十年。義學房毀。道光十五年。知州黃培

安順府志

卷之九

永甯書院

二十

杰。捐廉率紳耆。捐設州城募役司。關嶺。坡貢。等處義學。各捐置義田。每歲收租穀二十石。以為修脯。由齋長撥送。州城義學五間。在東門外崇報寺。關嶺義學在關嶺大街石牛寺。坡貢義學在坡貢文昌宮。募役司義學在募役司後街關帝廟。

土田籍 永甯州志云。州城義學置學田二坵。坐落納亞寨中。一名三台田。大小十二坵。一名鳳岡田。大小五坵。共約種一石二斗。每斗安租穀市斗二十石。關嶺義學置學田。名濫壩寨糧田。私田陸地一坵。石坡貢義學置學田。一名濫壩寨糧田。私田陸地一坵。安租六石。又杉樹百餘株。一名木納板。一坵大小五坵。安租三石。一名窩冲田。二塊。安租一石。四斗。一名。可馬阿臣陸地一坵。窩冲地三塊。安租八斗。一坐落營盤坡脚私田一坵。安租一石二斗。一當明納馬地一幅。安租一斗五升。一當明燕子巖納見私田二坵。安租三斗。



一名上坡貢門口田二塊安租一石一名河對門糧田  
一塊安租二石一當明鄒世文名下陸地一塊安租六  
斗一馬駝背荒山一幅安租一石一燕子巖田六坵安  
租四斗一買明張孫億後冲田一坵安租三石五斗以  
上共安租市斗十九石七升一募役司義學田八坵一  
名硬聖箐田大小十六坵一名烘夏田大小十四坵印  
田一坵六坵三尖角田一坵一坵箐脚田四坵小墳山田一  
坵四坵大墳山田一坵大小十六坵洪水井田一坵大  
小五坵箐背後放砲田一坵大小八坵共安租穀市斗  
二十石禮土司遺產署巡檢萬家學詳請歸入募役司  
義學道光十五年知州黃培杰審得募役司民董聯  
標與唐興煥爭田一案均不足據斷歸募役司義學以  
充修脯其田在了口寨  
大小五坵約種三升  
公所

倉在州署西南順治十六年修共五十三間又募役司廩  
三間頂營廩二間沙營廩一間六保廩一間

安順府志

卷之九

永甯書院公所

三

社倉州志云雍正元年詔諭天下有司設立社倉永甯州  
額設八間州城二間分建募役司二間頂營司二間沙營  
司二間在州城者向係社長經營並未修有社倉乾隆十  
四年知州嚴再昌查詳歸州乃實建社倉於常平倉側  
本城義倉州志云在學宮旁五間道光十五年知州黃培  
杰勸捐倡建

監獄州志云在州署頭門外東偏中一間供獄神左右二  
間收禁男犯又二間收禁女犯乾隆二十三年知州王粵  
麟補修道光十五年知州黃培杰捐廉重修按乾隆二十  
三年知州王粵麟以坡貢無監慮過犯易逃詳請由舊路



經州城寄監以免疎虞

關嶺監卡三間。州志云。在關嶺汛千總署內。收往來過犯。不知創自何年。道光十五年。知州黃培杰捐廉重修。

盤江卡房三間。州志云。在盤江汛千總署內。盤江向無監。因安南至永甯一站。道路寫遠。坡高路險。往來過犯。每至夜半方到。道光十五年。知州黃培杰會同安南縣知縣李振堃。詳請於永甯安南適中之盤江汛署。設立卡房三間。以為過犯寄宿之所。其工程一切。並過犯口糧燈油諸費。均係捐廉辦理。

演武廳。州志云。在西門外。嘉慶二年建。道光六年。知州胡

安順府志

卷之九

永甯公所坊表

三

惠瑛請帑重修。

普濟堂。州志云。在西門外新街。嘉慶二年。苗變燒燬。道光

十五年。知州黃培杰捐廉新建。計瓦房三間。前任直隸務

關路參將管繼祥捐助木料。

棲流所。州志云。在西門外新街。舊係草房一間。乾隆元年。

知州陳嘉會修。後燬。道光十五年。知州黃培杰捐廉買普

濟堂左首陳氏屋基。蓋瓦房二間。

坊表

張田氏節孝坊。在城下大街。

道光十七年。知州黃培杰勸捐重修。

楊王氏節孝坊。在城外東街。

王周氏節孝坊。在新舖街。

孔傅氏節孝坊。在城外西街。

周吳氏節孝坊。在關嶺街。